


U ime Allaha, Milostivog, Samilosnog

H U D B E

Hazreti Mirza Masroor Ahmad
ajadahulah-talah bi nasre hil aziz
V halifa Obećanog Mesije a.s.

16.7.2010. - 6.8.2010.





بِسْمِ اللَّهِ الرَّحْمَنِ الرَّحِيمِ ۞

نَحْمَدُهُ وَنُصَلِّي عَلَى رَسُولِهِ الْكَرِيمِ ۞

الْحَمْدُ لِلَّهِ رَبِّ الْعَالَمِينَ-

وَالصَّلَاةُ وَالسَّلَامُ عَلَى رَسُولِهِ مُحَمَّدٍ وَآلِهِ وَأَصْحَابِهِ أَجْمَعِينَ ۞

“Sva hvala pripada Allahu, Gospodaru svih svjetova; mir i blagoslov neka su na Njegovog vjerovjesnika Muhammeda, s.a.v.s., i na cijelo njegovo potomstvo i ashabe.”

Hudba 16. jula 2010.

Događaji iz života Obećanog Mesije a.s. koji nadahnjuju vjerom

Kratki sadržaj hudbe koju je 16. jula 2010. održao Hazreti Mirza Masroor Ahmad Halifatul Masih V Ahmadija muslimanske zajednice

(Napomena: Naš tim 'Alislam' preuzima punu odgovornost za bilo kakve greške ili nerazumijevanje u kratkom sadržaju ove hudbe)

U svojoj hudbi petkom Huzur je danas ispričao neke događaje iz života ashaba Obećanog Mesije a.s. koji nadahnjuju vjerom, a koji su ih vodili da daju zavjet bai'ata. Ovo su bili ljudi koji su imali blagoslovljenu priliku da budu u društvu Obećanog Mesije a.s. Huzur je objasnio da se, slušajući ova pripovjedanja, čovjek oduševi da čini dove za ove pretke, i također doživljava osobitu duhovnost kroz slike uzvišene pobožnosti Obećanog Mesije a.s.

Hazreti Mian Ferozuddin sahib iz Sialkota: On je dao svoj bai'at u 1892. godini. On piše da je 'Predavanje u Sialkotu' (knjiga

Obećanog Mesije) bila napisana na krovu kuće jednog ashaba. Obećani Mesija a.s. je imao tintu na sva četiri zida i pisao je kako je hodao, ponekad padajući na *sedždu*. Ovaj prenosilac kaže da je sve ovo vidio sa krova svoje kuće i da su mu se mnogi pridružili pošto je njegova kuća bila blizu druge kuće i bila je viša tako da se sve moglo jasno vidjeti. Obećani Mesija a.s. bi onda ispisane stranice poslao pisaru kako ih je završavao jednu po jednu.

Kasnije, kad je Obećani Mesija a.s. otišao da održi predavanje, jedan hafiz koji je podučavao lokalne dječake rekao im je da je čas završen i umjesto toga im dao pepela i rekao im da to bace na Obećanog Mesiju a.s. kad bude prolazio. Međutim, Obećani Mesija je bio u zatvorenoj nosiljci tako da je ostao bezbjedan.

On dalje piše da su na mjestu gdje je predavanje trebalo biti održano razne hodže podigle zapreke i nisu dozvoljavali ljudima da prođu i podbadali su ih. Prenosilac kaže da kad se Obećani Mesija a.s. vratio, da je on sa još mnogim drugim ljudima otišao do grada Vazirabad. Tamo se također okupilo mnogo ljudi i sipali su uvrede i bacali kamenje.

On kaže da je također otišao sa Obećanim Mesijom a.s. za Đehlum gdje su dvije Evropljanke pitale zašto su se ljudi okupili. Kad im je bilo rečeno da je to bio Obećani Mesija a.s. one su tražile od skupa da se razide tako da mogu uslikati. Narednog dana bilo je saslušanje na sudu kojem je Obećani Mesija a.s. trebao prisustvovati. On je sjeo na stolicu okružen skupom i rekao da su ljudi, na njegovu tvrdnju, prihvatili da je on od Boga. Zato, ako je on to (Bože sačuvaj) izmislio on će biti kažnjen za to, a oni koji su ga prihvatili neće biti kažnjeni. On je rekao da će, pošto je bio od Boga, oni koji su ga prihvatili biti nagrađeni za to.

Huzur je dodao da je ovo bilo u skladu sa kur'anskim učenjem:

'... Ako je on lažov, njemu njegova laž; ali ako je istinit, onda će vas (sigurno) pogoditi nešto od onog čime vam on prijete...' (40:29)

Huzur je rekao da se danas muslimani trebaju zamisliti nad ovim. Tako su ljudi postupali sa Božijim poslanicima.

Ovaj prenosilac dalje kaže da je neki hodža u skupu podigao knjigu visoko i rekao da je Mesija na ovaj način otišao na nebo. Tu je bio prisutan jedan prosijak koji je na duboko uzbuđen način tri puta ponovio: 'Zašto govorite laž,' dajući navod kur'anskog ajeta: 'Svaka duša će okusiti smrt...' (3:186), i rekao da on nije bio sljedbenik Mirze sahiba ali da nije mogao

skrivati istinu. Prenosilac također piše da je jedanput čuo da je Sahibzada Abdul Latif u prisustvu Obećanog Mesije a.s. rekao: 'Huzur, moja krv curi iz mog tijela i ja vidim da će ona 'natopiti' Kabul.'

Hazreti Umer Din hadždžaam (frizer): On je poticao iz Gudžurata. Potpisao je formular bai'ata u 1899. godini a fizički je dao zavjet bai'ata 1900. godine. On prenosi da su mu njegovi prijatelji govorili da će postati 'Mirzai'. Kad je vidio Ahmadi muslimane da uče Kur'an i klanjaju namaz on je molio Allaha da, ako je ovaj Mesija bio poslan od Njega da bude u stanju da ga vidi. Jedanput je u snu vidio Obećanog Mesiju a.s. u najblagoslovljenijem izgledu i razmišljao kako nikada nije vidio takvu osobu, je li to mogao biti Časni Poslanik s.a.v.s. Kasnije je, u džamiji Mesdžid Aksa, Kadian, molio Allaha da ga uputi, da će prihvatiti ovog Mesiju ako je on bio čovjek kojeg je vidio u snu i da će se u protivnom smjesta vratiti. Kad je Obećani Mesija a.s. stigao, on je vidio da je to bila upravo ista osoba koju je vidio u snu, tako da je dao svoj zavjet bai'ata. Kad je rekao da odlazi, Obećani Mesija a.s. je rekao: 'Ostani bar još dvije sedmice da prepoznaš istinu.' I također je rekao: 'Ako zbog nekog razloga ne možeš doći u posjetu, uvijek moraš pisati pisma.'

Hazreti Sufi Nabi Bakš sahib, sin Abdul Samad sahiba. On je dao zavjet bai'ata u 1891. godini i vjerovatno vidio Obećanog Mesiju a.s. prvi put u 1886. godini. On piše da je prvi put posjetio Kadian u 1886. godini da istraži o plakatima koje je Obećani Mesija a.s. izdao najavljujući da će mu biti podaren sin koji će biti izvor blagoslova za mnoge nacije. Kasnije je Obećani Mesija a.s. objavio tri knjižice: 'Fateh islam', 'Tauzeeh Maram' i 'Izalah Auham' i u njima dokazao da je hazreti Isa a.s umro i da je on bio manifestacija dolaska Obećanog Mesije. Iza ovoga je slijedila buka nevjerovanja od strane hodža. Obećani Mesija a.s. je napisao drugu knjižicu 'Aasmani Faisla'. Kasnije je ova knjižica bila pročitana na prvoj dželsa salani održanoj u Kadianu na koju je prenosilac imao čast da bude pozvan. On kaže da kad je Obećani Mesija a.s. stigao na dželsu on je pogledao na njegovo lice i trenutno ga prepoznao, jer mu se srce osjećalo naelektrisano kad se sjetio da je to bilo blagoslovljeno lice koje je vidio u snu u svojim studentskim danima, i da je bio odjeven u istu odjeću kako ga je vidio odjevenog u snu. Na kraju dželse Obećani Mesija a.s se rukovao sa svima i prenosilac je bio zadnji da se rukuje s njim jer je imao da kaže nešto posebno. On je rekao da je već dao zavjet na ruci nekoga drugog, i pitao kakva je uputa

za njega. Obećani Mesija a.s. mu je rekao da ako je osoba kojoj je dao zavjet bila pobožna onda će ovaj (drugi) zavjet bai'ata biti 'svjetlo na svjetlo' a ako ta osoba nije bila pobožna onda će njegov bai'at biti nevažeci i bai'at Obećanom Mesiji a.s. će ostati. On je kasnije dao zavjet bai'ata na blagoslovljenoj ruci Obećanog Mesije a.s.

Hazreti Nazam Din sahib tailor master. On je dao zavjet bai'ata u 1902. godini. On prenosi da je bio zapanjen da ga je Allah blagoslovio ogromnom milošću Ahmadijata jer je tako bio protivan tome. Kad god se zauzimao u razgovor sa Ahmadi muslimanima on je čvrsto vjerovao da su hodže stubovi religije i smatrao da su njegovi ljudi Ahl-e-Hadis sekte bili ispravni. Jedanput je prisustvovao njihovom skupu gdje je jedan hodža držao govor uza zid držeći Kur'an u jednoj ruci a drugom rukom je dijelio neke liflete i govorio: 'Mirza je (Bože sačuvaj) dobio gubu zato što je vrijeđao poslanike i sebe nazvao Isa.' On je uzeo liflet i nikada nije mogao zamisliti da neko može biti toliko drzak da izgovara laž dok drži Kur'an. Kasnije je odlučio da posjeti Kadian tako da se iz prve ruke može osvjedočiti u ove stvari i onda se bori sa 'Kadianima'. Tako je s nekim prijateljima otišao u Kadian. Bilo je blizu magrib (akšam) namaza kad su stigli. Pitao je nekoga da mu pokaže gdje 'Mirza sahib' klanja namaz. Bilo mu je pokazano na mjesto koje je sada Mesdžid Mubarek. To je u to doba bila izuzetno mala džamija. Oko minute poslije ezana Obećani Mesija a.s. je došao u džamiju i stao pored njega. On kaže da je pogledao na Obećanog Mesiju a.s. od glave do pete, tako da je čak vidio njegovu kosu; stanje njegovog srca se promijenilo. On je mislio kako nikada prije nije vidio čovjeka takve pojave; njegova kosa je izgledala kao zlatne niti, oči nalik usnulim (uvijek oborene), i predstavljao je potpuno utjelovljenje skromnosti. Ljepota njegovih ruku i stopa bila je očaravajuća i prenosilac se pitao je li ovo mogla biti ista osoba koju je njegov hodža nazvao lažovom. Bio je izgubljen u ovim mislima kad je namaz počeo. U toku namaza mislio je o razlici onoga što je hodža rekao i onoga što on opaža, i tako je u njegovom srcu raslo more sumnje. Čak se pitao da li je osoba koju je vidio bila Obećani Mesija a.s. ili je on bio neko drugi a ne ovaj čovjek kojeg je vidio. Nakon namaza Obećani Mesija a.s. je sjeo i govorio do iša (jacije) namaza. Govorio je o njegovom upozorenju da je vidio meleke da sade crne mladice u Pendžabu i kad je pitao o tome meleki su mu rekli da će izbiti kuga u Pendžabu. Ljudi su ovo ismijavali govoreći da kuga hara samo u

oblasti uz more i nikada se ne širi unutar zemlje. Međutim, ona se raširila u Pendžabu.

Narednog jutra ovaj prenosilac je začuđen otišao da vidi Maulvi Nurudin sahiba i pitao ga je li zaista onaj kojeg je vidio prošle noći bio 'Mirza sahib'. Na potvrđan odgovor on je postao emotivan i tražio da dadne zavjet bai'ata u vrijeme podne namaza ali je Obećani Mesija a.s. rekao da treba da čeka da ga hodže ponovo ne bi naveli da posrne. On se branio da to neće biti tako. On i njegovi prijatelji su dali zavjet bai'ata narednog dana i vratili se kući.

Hazreti Mian Abdul Aziz sahib, sin Mian Imam Din sahiba. On je dao zavjet bai'ata u 1893. godini. Piše da je bio upoznat s nekim Ahmadi muslimanima u 1891. godini koji su mu spomenuli o tvrdnji Obećanog Mesije a.s. Kako on prethodno nije imao nikakvog neprijateljstva nije imao ništa protiv ali se pitao zašto su hodže bile tako uvredljivi o njemu. Kad su mu bile date knjige 'Kitab ul Biriyyah' i 'Izala Auham' (knjige Obećanog Mesije) da čita, on je molio Allaha da bude ustrajan na istini. Ova dova je brzo bila primljena kad je započeo čitati 'Izala Auham' jer je njegova vjera porasla i on nije imao nikakve preostale sumnje u svojoj duši. Kad je posjetio Obećanog Mesiju a.s. osjećao je zadovoljstvo i njegovo srce je dalo zadovoljavajuće svjedočenje da ovo nije bilo lice lažova. On piše da je njegovo originalno ime bilo Meeran Bakš koje je imao idolopoklonička značenja i on je prije bezuspješno pokušao da ga promijeni. Kad je Obećani Mesija a.s. promijenio njegovo ime u Abdul Aziz, on je molio Allaha da ovo ime koje mu je Obećani Mesija dao traje, da niko više ne spominje njegovo staro ime. On piše da su sva službena dokumenta bila na njegovo novo ime.

Hazreti Allah Šaikh Bukš, dao je zavjet bai'ata u 1905. godini. On piše da u djetinjstvu nije imao nikakvo religijsko obrazovanje. Kad je dostigao 17 godina osjetio je zanimanje za religiju. Naučio je da uči Kur'an i počeo čitati prijevod. U toku tog vremena dogodilo se da je prelistavao knjigu koja ga je povrijedila zato što je po njegovom mišljenju izgledalo da je hazreti Isa a.s. imao viši položaj od Časnog Poslanika s.a.v.s. Zbog stida nikome ovo nije mogao spomenuti. Do 1905. godine, kad je u toku svog zaposlenja upriličio da vidi neke papire preko dr. Alim Din Gudžrati i pročitao o smrti Isaa. Čim je bio ubijeden o smrti Isaa a.s.on je zahvalio Allahu i bez ikakvog oklijevanja smjesta napisao

pismo Obećanom Mesiji a.s. o bai'atu. Kad je njegov otac izrazio nezadovoljstvo on ga je podsjetio da je, kad poslije jednog djeteta 12 godina nije više imao djece, molio Allaha za dijete kao što je hazreti Ibrahim molio Allaha za dijete u svojim starim godinama. U primanju ove dove bio je rođen ovaj prenosilac. On je rekao svom ocu da je zapravo ova dova sada bila ispunjena kad je on s Allahovom milošću prihvatio onoga ko je bio određen od Allaha (da je ovo bilo njegovo duhovno rađanje).

On piše da je 1906. godine dao zavjet bai'ata na ruci Obećanog Mesije a.s. u Kadianu. On piše: 'Sliku vremena davanja bai'ata i stanje mog srca ja kratko opisujem kao: slobodan i nereligiozan mlad čovjek, suprotno svakom prkosu svog *Nafse Ammara* (duša koja potiče na zlo) drage volje se bori protiv njega, pokorio se vratima onoga koji je bio određen od Allaha, i nespokojno čekao na njega da stigne, očiju uprtih u mali prozor (odakle je Obećani Mesija dolazio u džamiju). U džamiji je bio mali broj ljudi i svi su tiho i s poštovanjem čekali na ovu uzvišenu osobu. Tada je uzvišen, pristao, dostojanstven i veličanstven pobožan čovjek ušao u džamiju kroz isti taj prozor. Za to vrijeme, mlad čovjek se tresao i suze su počele liti iz njegovih očiju, a on još nije znao zašto. Samo je bio svjestan toliko da je Huzurov ulazak kroz taj prozor izgledao upravo kao da se savršeno sjajno sunce pojavilo u tamnoj noći i sav mrak je otišao.'

On piše da je naredne godine svog bolesnog oca predstavio Obećanom Mesiji a.s. želeći da i on dadne bai'at ali je on nažalost bio lišen ovog blagoslova.

Hazreti Muhammed Husein sahib, sin Khuda Bakš sahiba. On navodi da je čuo nekoga da spominje da je hodža rekao da visoko obrazovanje također zavrte čovjeku glavu i dodao da je bio 'Mirza' u Kadianu koji je rekao da je bio (neuzubillah) Bog. Kad je bio upitan za navod predložena mu je knjiga 'Braheen e Ahmadiyyah' kao preporuka. Prenosilac je našao jednog Ahmadi u Sukkuru koji je imao ovu knjigu. Kad je pregledao knjigu tamo je stajalo: 'Bog je u meni i ja sam u Njemu'. Prenosilac je knjigu odnio ovom čovjeku i rekao da je ovo bila samo mala stvar. Na to mu je ovaj čovjek rekao: 'I on je postao Mirzai.' Prenosilac je odgovorio: 'Mirzai' je vrlo dobra stvar, i da se u njegovom narodnom jeziku prošivena vesta zove mirzai. I dodao je da ona pruža udobnost kad neko pati od upale pluća.

On navodi da je te noći sanjao da je došao Mehdi kasnijeg doba. Kad je pitao gdje je, bilo mu je rečeno da je bio u mjestu 25 milja daleko, u pravcu sjeveroistoka.

Huzur je rekao da sada takozvane vjerske vođe predstavljaju slična izvrtnja pisanja Obećanog Mesije da zavode ljude kao i TV kanali i medij.

Nastavljajući sa navođenjem sna, hazreti Muhammed Husein Khan sahib kaže da je počeo ići u pravcu koji mu je bio dat. Na putu je vidio Imama Mehdiya da jaše konja u društvu 200 jahača. Tražio je da primi njegov zavjet bai'ata, i dao je bai'at i pridružio im se. Prekinuli su putovanje u Lahoru. U snu je prenosilac otišao da vidi svoju majku u obližnjem Gujanarvali. Kad je stigao kući, stao je na dnu stepenica i rekao: 'Mehdi kasnijeg doba' je došao, ko god želi da uzme njegov zavjet bai'ata treba da ide u Lahor.' Onda se probudio. Narednog dana je sanjao drugi san. Vidio je kako je Imam Mehdi na visokom mjestu prema nebu i da kaže: 'Naš rob živi ovdje, donesi njegovu glavu.' Prenosilac je skinuo svoju glavu i dao je. Kratko vrijeme kasnije Obećani Mesija je rekao: 'Vrati njegovu glavu i dadni mu nešto iz moje riznice' ali mu čovjek nije dao ništa. Trećeg dana u noći on je osjećao kao da mu je tijelo bilo pritisnuto nečim. Nije bio siguran da li spava ili je budan. Za to vrijeme je Obećani Mesija a.s. došao k njemu i rekao: 'Šta ako ti nije ništa dao, mi imamo obilje, ispruži svoju ruku.' On je ispružio ruku i Obećani Mesija je stavio nešto na njegovu ruku što je on stavio u usta.

Jedanput je na svom redovnom putovanju natrag za Sukkur skrenuo i otišao u Kadian. Iznenađujuće je da je znao nekoga iz Sukkura s kim je ostao preko noći i ko se lijepo brinuo o njemu. Na putu je sreo nekoliko ljudi koji su se suprotstavljali. Kad je stigao u Kadian otišao je hazreti Maulvi Nurudinu r.a. koji ga je odveo da vidi Obećanog Mesiju a.s. u mesdžid Mubarak. Prenosilac je rekao da je dao svoj zavjet bai'ata i onda ispričao o svom djetinjstvu i tražio od Obećanog Mesije a.s. da moli Allaha za njegovog mlađeg brata da i on primi Ahmadijat. Obećani Mesija a.s. ga je pitao koliko dugo mu je oko bolesno, na što je on odgovorio da je od djetinjstva, iako se jedanput u Murreeu osjećao bolje. Obećani Mesija a.s. mu je rekao da treba da radi u Murreeu. Prenosilac je rekao da radi u Sukkuru i da mu nije lahko da mijenja posao. Obećani Mesija a.s. je rekao: 'Allah će ti podariti izlječenje.' On kaže da su mu oči uskoro bile bolje.

On navodi da su jedanput dvojica visokih službenika došli da vide Obećanog Mesiju a.s.. Oni su izrazili zabrinutost zbog nekog nasilničkog napada koji se dogodio noć ranije. Obećani Mesija a.s. im je rekao: 'Nas Allah čuva, vi radite svoju dužnost kako god smatrate prikladnim.' On navodi da je neko jedanput Obećanom Mesiji a.s. spomenuo zvuk instrumenata i vatromet na svadbama i on je rekao: 'Zvuk instrumenta na način najave, nema grijeha u tome; vatromet je omražen.' Drugo iznošenje navodi da je jedanput u džamiji stopa Obećanog Mesije a.s. dotakla bolesnu stopu Pathana. Pathan je hodao uz pomoć dva štapa. Trenutno je njegovo bolano stopalo bilo bolje. Kad je Obećani Mesija a.s. bio na putu da izađe, Pathan je tražio od njega da stane svojom nogom na njegovu drugu stopu. Objasnio je da je šest mjeseci bio liječen a da ga je dodir Obećanog Mesije trenutno izliječio.

Hazreti Šaiħ Muhammed Ismael sahib, dao je svoj zavjet bai'ata u 1894. godini. On navodi da je Obećani Mesija a.s., sažaljevajući stanje hodža i sufija njegovog doba, govorio da bi, da ga Allah nije utješio (objavom): 'Ja ću tvoju poruku odnijeti do krajeva svijeta', ko zna koliko štetna bila glupost hodža.

Obećani Mesija a.s. je govorio: 'Kad bi oni samo čuli moje uplakane dove za njih', koliko je on bio u tjeskobi radi njihove upute i kako je stalno i na srceparajući način molio Allaha za njih. Prenosilac kaže da su oni, čuvši ovo bili potpuno zabezegnuti koliko je ova uzvišena osoba željela dobro za Božije ljude. On prenosi da je Obećani Mesija a.s. tako uticao na svoje prijatelje snagom svoje pobožnosti da su oni jedino vjerovali u Allaha da je 'Činilac' svega i nikada nisu zaustavljali od onoga što je bilo istina. Oni su izbjegavali niski moral i držali se visokog morala i uvijek bili zahvalni Allahu i uzdali se u Njega. Njihova dobra djela su bila takva da su im srca bujala s Božijom ljubavi i šta god su radili, oni su radili posebno radi Allaha. Oni su u velikoj mjeri izbjegavali dvoličnost jer je Obećani Mesija a.s. dvoličnost uvijek nazivao opasno lošim moralom. Prenosilac piše da nikada nije vidio da su oči Obećanog Mesije a.s. bile potpuno otvorene - takva je bila njegova skromnost. Međutim, kad bi bio spomenut Allahov neprijatelj ili kad bi on spomenuo Časnog Poslanika s.a.v.s. tada bi njegove oči bile širom otvorene. On je imao tako ogromnu ljubav prema Časnom Poslaniku s.a.v.s. da bi svaki put kad bi spomenuo njegovo ime rekao: 'Da ovaj čisti Poslanik nije došao ovom svijetu ne bi bilo nikakve upute, cijeli svijet bi zalutao.' Obećani

Mesija a.s. je savjetovao svoju zajednicu da postanu Allahova manifestacija (tj. manifestacija Allahovih atributa) i govorio je da je uvidio da je Allah puniji ljubavi od majke. On je mnogo naglašavao da izbjegavamo loše mišljenje o drugima i rekao je da onaj ko loše misli o drugima nikada ne može imati udjela u svjetlu vjere, jer je ovo opasno loš moral koji osobu čak čini beznadežnom kod Allaha. Obećani Mesija a.s. je stalno govorio da naša Zajednica treba da smatra da je Kur'an jedini izvor sticanja duhovnog znanja.

Zaključujući, Huzur je molio Allaha da uzdigne položaje ovih ashaba jer su njihova iznošenja bili izvor uvećanja vjere; da Allah također omogući nas da ovu misiju prenosimo dalje. Da nastojimo i prilagodimo se da ispunimo očekivanja Obećanog Mesije a.s. u svjetlu uzora ovih ashaba.

Hudba 23. jula 2010.

Gostoprimstvo na Đelsa salani (godišnji skup)

Kratki sadržaj hudbe koju je 23. jula 2010. održao Hazreti Mirza Masroor Ahmad Halifatul Masih V Ahmadija muslimanske zajednice

(Napomena: Naš tim 'Alislam' preuzima punu odgovornost za bilo kakve greške ili nerazumijevanje u kratkom sadržaju ove hudbe)

Danas je Huzur u svojoj hudbi petkom dao izlaganje o gostoprimstvu na Đelsa salani i rekao je da Allahovom milošću, od narednog petka počinje Đelsa salana VB i da je prva stvar koju želi spomenuti u ovom pogledu da Džemat općenito i džemat VB pogotovu treba posvetiti veliku pažnju dovama i sadaki za Đelsu, da bude održana uspješno i da bude blagoslovljena u svakom smislu. Da nas Allah zaštiti svake smutnje i zla neprijatelja i da Đelsa počne i završi se u savršenim blagoslovima.

Kao što je običaj u petak prije Đelse, Huzur je skrenuo pažnju muškaraca koji imaju dužnosti, žena i djece na njihove obaveze i odgovornosti. Huzur je rekao da Allahovom milošću su sada muškarci i žene sasvim dobro pripremljeni za Đelsa dužnosti, uz to radnici svakog

odjeljenja dobro znaju svoj poseban posao. Međutim, s ciljem da dalje popravimo rad i da povećamo osjećaj odgovornosti važno je podsjećanje pošto je to također Kur'anska naredba:

'I nastavi savjetovati; zaista, savjet koristi vjernicima.' (51:56)

Huzur je rekao da je također važno objasniti značaj Đelsa dužnosti djeci kao i omladini koji možda obavljaju dužnost prvi put ili koji u cjelosti ne shvataju značaj tih dužnosti. Huzur je rekao da Đelsa dužnost nije obična dužnost. Stari i mladi sebe nude za služenje Đelsa gostiju koji su došli na Đelsu odazivajući se pozivu Obećanog Mesije a.s. za svoju duhovnu hranu. Možda bude mali broj onih koji jednostavno dođu da potroše vrijeme ali ovo ne treba da nas odvraća od naših dužnosti.

Huzur je rekao da ima više vrsta gostiju na Đelsi. Ima onih koji su iz VB i u toku Đelse borave na prostoru Đelse bilo u svojim privatnim šatorima ili u smještaju omogućenom od Džemata. Oni imaju posla sa skoro svim odjeljenjima Đelse u toku njihovog trodnevnog boravka. Radnici svakog odjeljenja treba da predstavljaju uzor krajnje uljudnosti prema njima. Bilo koja ljutnja s gostom treba biti zaboravljena i ne treba da stane na put da ih služite, jer ako je to tako, to će biti izdaja dužnosti. Ako radnik osjeća da ne može kako treba ispuniti dužnosti gostoprimstva prema određenom gostu onda treba da pita svog kolegu na dužnosti da to uradi u njegovo ime. Druga vrsta gostiju su oni koji su također iz VB i svakodnevno putuju do mjesta održavanja Đelse. Oni jednom ili dva puta jedu na prostoru Đelse pod nadzorom Ziafet odjeljenja. Ovo odjeljenje je odgovorno da pazi na njih. U zadnjih nekoliko godina primili smo prigovore da ne samo da hrana nije bila servirana, nego da vladanje radnika također nije bilo dobro. Nakon istrage otkrili smo da ovo nije bilo zbog greške radnika, moguće da hrana nije trebala biti servirana na tom određenom mjestu gdje su gosti zahtijevali. Međutim, čak i ako hrana nije trebala biti servirana u toj oblasti, gostima treba biti objašnjeno izuzetno učtivo. Radnici na parkiralištu za auta, kontroli saobraćaja i na bezbjednosti također trebaju pokazati susretljivost i uljudnost kad govore s gostima. Huzur je objasnio da prigovori nisu pravilo, zapravo su primljeni samo pojedinačni prigovori, ali to može naškoditi cijeloj upravi. Općenito govoreći radnici tolerišu ispade gostiju. Treća vrsta gostiju su oni koji dolaze iz Evrope, neki su smješteni od strane Džemata dok drugi borave privatno. Međutim, zbog toga što su izvan VB, njihova

očekivanja su na neki način visoka. Mali broj od njih prave neprikladne i pretjerane zahtjeve ali radnici treba da nastoje koliko najviše mogu da ne dadnu bilo kome priliku da prigovara. Naredna vrsta gostiju su oni koji dolaze iz Pakistana, Indije i Afrike. Na afričke i američke goste do velike mjere pazi Tabšir odjeljenje. Međutim, oni također moraju saradivati sa općim odjeljenjima, tako da se mora paziti na njihove potrebe. Uprkos njihovog nepovoljnog položaja, gosti iz Pakistana, Indije i Bangladeša došli su da ugase svoju žeđ za Halifatom. Pogotovu je stanje Ahmadi muslimana Pakistana dostiglo kritičnu tačku u stradalištvu. Potrebna je izuzetna učtivost i uljudnost sa takvim gostima. Neki imaju problem sa jezikom, kakva god da njihova potreba možda bude, muškarci i žene treba da budu uvijek spremni da ih služe. Ako gost zahtijeva nešto što nije dužnost odjeljenja osobe od koje se traži, radije nego da im dadne grub odgovor, ova osoba treba da ih uputi na pravo mjesto. Općenito gostima iz Pakistana pomaže njihova rodbina, ali oni koji nemaju rodbine (koja živi u VB) mogu ponekad biti zabrinuti. Huzur je rekao da su zadnjih dvije do tri godine smještaj i gostoprimstvo gostiju koji borave duže od tri dana bili dobri, ali, kao što je ranije spomenuo, podsjećanje je važno. Huzur je rekao da oni koji imaju u posjeti rodbinu iz Pakistana treba da shvate da nije samo zadatak Đelsa uprave da pazi na goste. Zapravo oni također treba da ponude gostoprimstvo svojoj rodbini. Naredna vrsta gostiju su oni koji nisu muslimani i pozvani su od strane Džemata. Međutim, oni često obraćaju pažnju na to kako Džemat radi. Često, svake godine, oni su veoma impresionirani uljudnošću muškaraca i žena radnika.

Huzur je rekao da su sada mnogi gosti s vana također došli na Đelsu u Njemačkoj i također su impresionirani uslugom koja je tamo omogućena. Ove godine su mnogi izrazili Huzuru takvo mišljenje. Ovo je zaista standard Ahmadi radnika svuda da čak i ako nisu direktno uključeni s gostima, način na koji oni rade, njihova revnost i marljivost impresionira goste. To je kao da radnici, osim obavljanja pojedinačnih dužnosti također postupaju kao 'nijemi misionari' i tako zarađuju duplu nagradu. Prvo služenjem gostiju Obećanog Mesije a.s. a drugo prikazujući drugima istinsku sliku Ahmadijata, istinskog islama, kroz što neki ljudi pobožne prirode prepoznaju Istinu. Đelsa dužnost je sredstvo zarađivanja Allahovog zadovoljstva za svakog muškarca i ženu radnika na Đelsi. Da Allah omogući svakog pojedinca da je ispuni na izvanredan način.

Huzur je rekao da ove godine želi da skrene posebnu pažnju na odjeljenje bezbjednosti. Ovo odjeljenje se popravilo i mnogo naraslo od prošle godine, međutim, ove godine čak ne smije biti predviđena ni najmanja sumnja i svaka procedura treba biti provedena doslovno. Kartice za identifikaciju koje je Džemat izdao treba da budu u cjelosti potvrđene kroz sistem skandiranja koji je postavljen. Kartica svake osobe, čak i ako vam je poznata, mora biti podvrgnuta tome. Mali i kratki jed gosta treba da bude tolerisan ali nikakav kompromis ne smije biti napravljen u ovoj dužnosti. Ove godine je Njemačka imala vrlo dobar aranžman obezbjeđenja i nisu se suočili ni sa kakvim problemom jer je napravljen aranžman za ulaz na nekoliko mjesta. Svi detalji svake kartice će se pojaviti (na ekranu) skeniranjem. Ove godine osim dobrog aranžmana na Đelsi Njemačke, njihov sistem obezbjeđenja bio je izuzetno hvale vrijedan. Da Allah nagradi sve mlade Ahmadi muškarce i dalje uveća njihove sposobnosti koji su radili krajnje marljivo u pravljenju ovog sistema. Huzur je rekao da često spomene usluge Njemačkog džemata o njihovoj Đelsi ali pošto ove godine nije bilo prilike za to on je to zato ukratko spomenuo.

U toku đelse kao i džume namaza, s velikom budnošću se mora provoditi provjera na ulazu kao i bezbjednost. Mladim ljudima ne treba biti data dužnost samostalno. Zapravo, na svakom mjestu uz njih trebaju biti stariji *naibs* i službenici. Iznad svega treba da zapamtite, kao što je ranije spomenuto, da je naše stvarno oslanjanje samo na Allaha, zato ni jedan moment ne treba proći bez obraćanja Allahu. Što se tiče sigurnosti oblasti privremenog smještaja u Hadikatul Mehdi ili Islamabadu i Baitul Futuh kao i privatnih šatora, dogode se ponekad rijetki slučajevi krađe. Zato treba osigurati njihovu zaštitu. Ako se može dogoditi krađa, i druga šteta također može biti počinjena. Iako je ljudima dat savjet da sve vrijedne stvari nose sa sobom, što oni i rade, treba biti provedena bezbjednost ovih oblasti sa dužnom budnošću i oprezom. Radnici na bezbjednosti trebaju uvijek biti samosvjesni i ne smiju paničiti.

Iako se, Božijom milošću ne događa često, ali ako postoji kašnjenje u sluzenju hrane, zato što se ona u toku Đelse ne kuha na mjestu održavanja Đelse, gosti trebaju biti uvjereni na miran način. Slično, ponekad je gužva u prijevozu koji je obezbjeđen. Radnici treba da ostanu mirni i također umiriti goste o privremenoj neudobnosti, blago ih uvjeravajući. Zbog toplog vremena može biti propusta u službi odjeljenja

za vodu. Pošto mi ovdje također imamo visoke temperature, ovo odjeljenje je steklo značaj. Potrebna je također dostava vode na mjesta za pranje. Uprkos iskustva radnika ova odjeljenja su takva da zbog nestrpljenja gostiju to može postati haotično. Zato, dok radnici treba da ostanu mirni, također treba da upute goste sa strpljenjem i na miran način.

Gostoprimstvo je odlika vjernika. Osim toga, goste koji su došli posebno iz religijskih motiva i koji su od Imama doba nazvani žnjegovim gostima' treba da pazimo sa mnogo većim obzirom. Njihovi religijski motivi su da traže maksimalno znanje vjere koja je bila objavljena Časnom Poslaniku s.a.v.s. i naprave čiste promjene u sebi i u tom procesu nastoje da postignu Božiju blizinu.

Zatim je Huzur naveo primjer izvanrednog gostoprimstva Časnog Poslanika s.a.v.s. Kad bi stigao neki gost on bi poslao poruku svim svojim ženama da za gosta pripreme neku hranu. Svako kućanstvo bi odgovorilo da imaju samo vodu da posluže (da nemaju nikakve hrane). Huzur je rekao da ovo također pokazuje ustrajnost njegovih blagoslovljenih žena, koje, odlikom njegove snage uzvišenosti nisu čak ni najmanje protestovali zbog nedostatka hrane. Zapravo je ova situacija - da nema hrane u kući- samo otkrivena zbog dolaska gosta. U jednom takvom primjeru jedan ashab je odveo goste svojoj kući gdje je, premda je bilo nešto hrane na raspolaganju, to bilo dovoljno samo za djecu. Tako da su roditelji uspavali djecu a onda su ugasili lampu dok su servirali hranu gostu tako da on može dovoljno jesti a da ne zna o oskudici hrane. Allah je bio tako zadovoljan s ovim da je obavijestio Časnog Poslanika s.a.v.s. o ovom događaju i kaže da Ga je ovaj postupak vjernika i vjernice nasmijao. Huzur je rekao da, čiji god postupak čini Allaha zadovoljnim zaista je postigao blagoslove oba svijeta.

Onda imamo događaj kad je gost ostavio unečišćenu posteljinu i Časni Poslanik s.a.v.s. je insistirao da je on lično opere, govoreći svojim ashabima da on to mora oprati pošto je to bio njegov gost.

Hazreti Abu Hureira r.a. prenosi da je Časni Poslanik s.a.v.s. rekao da vjernik koji vjeruje u Allaha i Sudnji dan posjeduje tri znaka: prvo, ima lijep moral, uvijek kaže ono što je dobro i ne vrijeđa ničija osjećanja jer neuljudnost (neučtivost) kalja vjeru. Ovo će steći Allahovo zadovoljstvo i ojačat će vjeru, i također garantovati mir u društvu. Drugo, on poštuje svog komšiju. Huzur je rekao da je Allah dao vrlo jasne

naredbe što se tiče komšije i Časni Poslanik s.a.v.s. je također rekao da je toliki naglasak stavljen na prava komšije da se on pitao hoće li Allah narediti da komšiju uključimo u nasljeđe. Huzur je rekao da termin 'komšija' također podrazumijeva privremene komšije, kao one koji su zajedno za kratak period vremena. Oni također imaju pravo nad nama, a ovo (pozivanje je na Đelsu) o našoj braći u vjeri. Treće, iskazuje počast gostima. Huzur je rekao da gostoprimstvo ojačava vjeru i da je važno to izraziti. To je izvor postizanja blizine Allahu. Dok ovdje (na Đelsi) mi samo treba da žrtvujemo svoje vrijeme i emocije.

Huzur je objasnio da je iskreni i revni poklonik Časnog Poslanika s.a.v.s. također slijedio ovaj blagoslovljeni primjer. Gostoprimstvo Obećanog Mesije a.s. nije bilo tek za nekoliko ljudi. Zapravo je bilo stalno i bilo je ogromno. Iako je on krajnje izvanredno iskazivao poštovanje prema svim svojim gostima, Allah mu je objavio: *'Nemoj biti ohol prema Božijim stvorenjima i nemoj se umarati primanjem gostiju.'* (Tadhkirah, str. 73, izdanje 2007.). Huzur je objasnio da je Allah ponavljajući skrenuo pažnju Obećanog Mesije a.s. na ovu stvar zato što će broj njegovih gostiju stalno rasti i poslije njega Halifa doba i uprava Džemata trebaju ovo imati u vidu i da nikada ne zaborave značaj zadatka gostoprimstva. Ovo je važan atribut koji svaki od nas koji sebe nudi da služi goste Mesije treba da posvoji.

Pišući o gostoprimstvu Obećanog Mesije a.s. Jakub Ali Irfani sahib kaže da je on bio obradovan dolaskom gostiju i nalagao je radnicima u kuhinji da naprave svaki mogući napor da im obezbijede udobnost. On bi vodio posebnu brigu o zahtjevima vezanim za dijeteu gostiju u pogledu oblasti odakle su došli. Govorio je da, ako gosti nisu dobrog zdravlja kako će učiti o vjeri. Također bi govorio da gosti trebaju otvoreno izraziti svoje zahtjeve. Maulvi Abdul Kerim sahib prenosi da se jedanput u toplom junu mjesecu dogodilo da je on bio u novo izgrađenoj kući Obećanog Mesije a.s. dok je njegova porodica bila na putu. Huzur je rekao da ovdje postoje mnoge olakšice, no, oni koji su živjeli na podkontinentu znat će cijeliti hladovinu novo izgrađene kuće u velikoj ljetnoj vrućini. Tu je bio jednostavan krevet u kući na koji je Maulvi sahib legao pošto je Obećani Mesija pošao u šetnju. Maulvi sahib je zaspao. Kad se probudio bio je zaprepašten kad je vidio da Obećani Mesija a.s. leži na podu do kreveta. On se nasmijao i objasnio da je zapravo pazio na svog gosta jer su neka djeca pravila galamu i on ih je ušutkivao tako da bi on mogao nesmetano spavati.

Huzur je rekao da je takvo bilo gostoprimstvo Obećanog Mesije a.s. Dok ovi uzvišeni primjeri pripadaju jedino Božijim poslanicima, mi, koji smo bili određeni za zadatak služenja Đelsa gostiju trebamo nastojati i postići neku mjeru toga.

Huzur je rekao da iako je Obećani Mesija a.s. imao na umu status svog gosta, općenito je njegovo gostoprimstvo bilo isto za svakoga. Huzur je rekao da na Đelsi mi posvećujemo posebnu brigu i pažnju nekim gostima izvana. Zaista, Časni Poslanik s.a.v.s. je rekao da vođama nacija treba biti iskazano poštovanje prema njihovom statusu. Međutim, na Đelsi trebamo imati umjerenost što se tiče toga. Rukovodstvo nepotrebno unapređuju kategorije ovih gostiju, što nameće dodatne troškove; ovo treba biti obavljeno kako treba. Huzur je obavijestio da ponekad neki šatori ostanu prazni. Na nekim mjestima je počela pogrešna upotreba aranžmana za 'vrlo važne osobe - VIP'. Rukovodstvo treba obratiti pažnju na ovo. Napravite posebne aranžmane za posebne goste, ali to treba biti na jednom mjestu i treba biti provedeno sa umjerenošću.

Osim služenja svojih gostiju, Obećani Mesija a.s. je imao dva cilja svog gostoprimstva: njihov odgoj i prenošenje poruke. Isto tako, odgovarajuća odjeljenja trebaju posvetiti pažnju ovoj Đelsi. Zaista, Obećani Mesija a.s. nije pravio nikakve razlike u svom gostoprimstvu čak kad bi njegovi protivnici dolazili kao gosti. On je naložio omladinskoj organizaciji (Khudam) da ih služe i ako budu neobuzdani (u svojim diskusijama) da im ne odgovaraju. Huzur je molio Allaha da nas osposobi da slijedimo Obećanog Mesiju a.s. koji je svoje puteve posvojio slijedeњem Časnog Poslanika s.a.v.s. Dok izvršavamo dužnosti prema svojim gostima, Huzur je rekao da želi reći da trebamo biti oprezni, držeći oko na okolinu. Huzur je rekao da su danas neprijateljstvo i opozicija Džemata stvorili štetne (smutljive) elemente lišene bilo kakvih moralnih granica i bilo koja vrsta nereda se može očekivati od njih. Da nas Allah omogući da ispunimo svoje dužnosti na izvanredan način i da nas čuva od svakog zla.

Zatim je Huzur rekao o smrti Mubaraka Begum sahibe, žene Sufi Nazir Ahmad sahiba. Ona je, poslije kratke bolesti umrla 14. jula u Njemačkoj sa 89 godina. Bila je vrlo pobožna, ustrajna i zahvalna osoba i doživljavala je vizije. Bila je izuzetno predana Halifatu i čak je u toku svoje kratke bolesti prije smrti pitala o Huzurovom zdravlju ne brinući se o svojoj bolesti. Ona je za svakoga bila dobrotvorna osoba i imala je

veliki osjećaj žrtvovanja. Kad bi jednom neko tražio da uči dove za njega ona bi nastavila učiti. Imala je vrlo zadovoljnu prirodu i dala je svoj nakit u Merjem Šadi fond (fond koji pomaže siromašnim porodicama u sklapanju braka). Imala je neku ušteđevinu za koju je, prije smrti rekla da bude data za Sayyidna Bilal fond (fond koji se brine za porodice šehida). Nakon što su žene njene dvojice braće umrle, ona je uprkos svojih ograničenih sredstava pazila na obrazovanje i obuke njihove djece. Iza sebe je ostavila dvije kćeri i četiri sina. Dvojica njenih sinova su posvetili život islamu (vakfe zindagi), Đelal Šams sahib, na dužnosti Turskog deska i Munir Džavid sahib, Huzurov privatni sekretar. Jedna od njenih kćeri udata je za Hanif Mahmmud sahiba, zamjenik Nazir Islah o Iršad i u ovom smislu se može ubrojati kao oni koji su posvetili život islamu, jer su žene onih koji posvete život islamu također isto. Da Allah oprost i uzdigne položaj umrle. Huzur je najavio da će poslije džume namaza klanjti dženazu u odsusutvu.

Hudba 30. jula 2010.

Savjet gostima i volonterima na Đelsi

Kratki sadržaj hudbe koju je 30. jula 2010. održao Hazreti Mirza Masroor Ahmad Halifatul Masih V Ahmadija muslimanske zajednice

(Napomena: Naš tim 'Alislam' preuzima punu odgovornost za bilo kakve greške ili nerazumijevanje u kratkom sadržaju ove hudbe)

Huzur a.t. je svoju hudbu petkom 30 jula 2010. održao u Hadikatul-Mehdi, mjestu održavanja godišnjeg skupa Ahmadija muslimanske zajednice Velike Britanije u 2010. godini i citirao slijedeći ajet:

'Oni koji se kaju, koji se mole, koji (Njega) hvale, koji putuju (na Božijem putu), koji se saginju (radi Allaha), koji padaju na sedždu, koji naređuju dobro i zabranjuju zlo, i koji čuvaju Allahove granice, (svi su oni istinski vjernici). I podaj radosne vijesti onima koji vjeruju.'

(9:112)

Ovaj ajet Časnog Kur'ana odnosi se na one vjernike koji daju prednost svojoj vjeri i vjerovanju nad svim ovosvjetskim poslovima, i za takve ljude su radosne vijesti od Allaha dž.š. Oni koji posjeduju odlike izložene u ovom ajetu u glavnim crtama, istinski su vjernici (mumini), zato što su ovo ljudi koji svoje klanjanje obavljaju na najbolji mogući način, oni traže oprost u istinskom duhu pokajanja, oni se saginju pred svojim Gospodarom kako se od njih očekuje da se saginju, oni slijede učenja islama i postaju uzori praktikovanjem onoga što propovijedaju. Ovo su ljudi koji stiču položaj onih koji su čuvari granica koje je Allah dž.š. postavio. Da ih Allah dž.š. osposobi da neprestalno napreduju u svojim vrlinama i da svi učesnici na Đelsa salani postignu ovaj krepostan položaj tako da budu ubrojani među ovu blagoslovljenu grupu vjernika.

Huzur a.t. je rekao da su mnogi učesnici na Đelsi doputovali sa dalekih zabačenih mjesta da bi bili dio ovog obećavajućeg događaja. Huzur je rekao da je poslije *fadžr* (sabah) namaza sreo porodicu koja je putovala cijelu noć iz Evrope i da su među njima bila mala djeca i žene. Ovo putovanje je bilo poduzeto samo da uberu blagoslove Đelsa salane. Mnogi koji su i iz VB doputovali u Hadikatul Mehdi morali su poduzeti neku vrstu putovanja i podvrći se neudobnosti. Allah dž.š. nagrađuje takvo putovanje kao putovanje koje je poduzeto radi Njega. Oni koji su uspjeli doći na Đelsa salanu su gosti Obećanog Mesije a.s., koji iza sebe ostavljaju ovosvjetske ciljeve da steknu duhovne koristi. Huzur a.t. je rekao da iako su organizacijski koraci napravljeni za služenje svim učesnicima, međutim, također je rekao da oni koji su došli na Đelsa salanu s namjerom obogaćivanja svoje duše nisu zabrinuti o fizičkim udobnostima i luksuzima. Njihova pažnja je samo usredsređena na to kako da nahrane svoje duše. Ako se ovo mišljenje ima na umu, to jest, da ovosvjetska zadovoljstva nisu bitna, onda slabosti koje možda postoje u organizacionim stvarima domaćina neće biti značajne i bit će lahko oprostene. Huzur a.t. je rekao da ponekad ljudi prigovaraju da se o nekim gostima vodi više briga nego o drugima. Morate zapamtiti da organizatori nastoje koliko najviše mogu da posvete veliku brigu i pažnju svim gostima. Međutim, postoje neke prilike gdje je gostima data posebna usluga, prikladna u određenim okolnostima. Huzur a.t. je skrenuo pažnju ljudi na istinsku svrhu njihovog prisustva na Đelsi, koja je da uvećaju i poprave svoje duhovno stanje tako da napreduju na svom putu da postanu istinski mumini. Hazreti Obećani Mesija a.s. uvijek

je posvećivao osobitu brigu svakom pojedincu među svojim gostima; međutim, prilikom Đelsa salane, od strane ukupne organizacije svi gosti su imali jednak tretman. Isticani su stvarni ciljevi prisustvovanja na Đelsa salani: da postignu znanje, da se očiste i steknu blizinu Allahu dž.š. Ovo je cilj prisustvovanja na Đelsa salani svake godine.

Huzur a.t. je također usmjerio pozornost prisutnih na Đelsi na prikladno korištenje vremena. U toku Đelsa salane članovi porodice se okupe zajedno iz raznih zemalja svijeta i ovo im pruža priliku ponovnog sastanka. U takvim prilikama, ove porodice žele da potroše vrijeme jedni s drugima. Znak istinitosti Obećanog Mesije a.s. je da je bio u stanju da formira Džemat bez granica, koji je jedno veliko bratstvo koje pokazuje jedinstvenu vezu bratstva i jedinstva da postane jedan narod. Međutim, Huzur a.t. je podsjetio da učesnici ne treba da zanemare program Đelse. On je također istakao da oni koji sjede na sijelu cijelu noć i zaborave da su se okupili radi posebne svrhe treba da isprave svoje postupke. Odlika mumina je da stvori ravnotežu u svom životu. Časni Poslanik s.a.v.s. je također savjetovao da muslimani ne treba da gube vrijeme u beskorisnom razgovoru. Huzur a.t. je rekao da nema štete da se vrijeme troši sa rodbinom, ali treba da uvijek imate na umu namaze i dove, i stvarnu svrhu prisustvovanja na Đelsa salani. Ponekad gosti također stavljaju pritisak na domaćine da budu dio takvih dugih noćnih sijela, što za domaćine postaje teret jer također moraju obaviti mnoge druge dužnosti. Zato, gosti i domaćini trebaju biti svjesni svojih glavnih dužnosti u vrijeme Đelsa salane.

Huzur a.t. je rekao da u vrijeme kad je prisutno desetine hiljada ljudi na ograničenom prostoru, prirodno je da se pojave sporovi i proturječja. Ponekad, kad gosti prigovaraju ili kritikuju rad volontera, volonteri reaguju na neprikladan način, i sporovi koji su se pojavili u nekim slučajevima mogu trajati dugo vremena. Huzur a.t. je savjetovao da u takvim slučajevima obje strane treba da imaju na umu duhovnu atmosferu ovog okupljanja. Gosti treba da pokažu strpljenje i podnošljivost a vršioци dužnosti treba da kontrolišu svoje emocije i strasti. Na takav način se može prikladno postupati sa teškim situacijama.

Huzur a.t. je također istakao da su ove godine na Đelsa salani provedene sigurnosne mjere zbog čega neki gosti koji putuju autima i slično, možda stignu kasnije. Još u toku trajanja hudbe Huzur a.t. je rekao da je primio izvještaje iz ženskog šatora da postoji dugo

zakašnjenje na punktovima za provjeravanje, zbog ogromnog broja torbi koje trebaju biti provjerene. Kad se pojave tako duga zakašnjenja, neki su možda primorani da stoje na suncu, neki će možda kasniti svojim bližnjima koji su invalidi. Iako organizatori nastoje koliko god je u njihovoj moći da savladaju redove ljudi, Huzur a.t. je preporučio svim učesnicima da pokažu strpljenje. Neki mladi ljudi kojima je data dužnost obezbjeđenja treba da pokažu vrlo ozbiljno vladanje na svojim položajima tako da ne povrijede osjećanja bilo kojeg od gostiju. Huzur a.t. je također naložio nadzornicima obezbjeđenja da budu prisutni na svojim mjestima da riješe bilo koju teškoću u slučaju da se pojavi. Ne treba da gubite vrijeme u zauzimanju u razgovorima s gostima na ulazu. Huzur a.t. je ponovo podsjetio da su svi gosti ovdje da postignu bogobojazne ciljeve i da to samo može biti postignuto ako u praksi pokažu ljubav, naklonost i blagost (obzirnost) jedan prema drugom. Nastojte da pređete preko malih slabosti i obratite pažnju na veći cilj koji je obožavanje Allaha, i učinite da ovo putovanje zaista bude putovanje poduzeto samo radi postizanja Allahove blizine. Huzur a.t. je rekao da su svi vršioci dužnosti na neki način zauzeti u nijemom propagiranju islama (tablighu). Slično tome, svaki gost je ambasador Džemata Ahmadija. Oni koji prvi put prisustvuju Đelsa salani odnose sa sobom dojam sa ovog skupa, i u velikoj mjeri je ovaj dojam uvijek bio dobar. Ovi gosti koji po prvi put prisustvuju Đelsi imaju dobar dojam o islamu i o muslimanima. Ahmadi ne samo da postižu korist za sebe pojedinačno, nego obavljaju veliku uslugu onima koji su prisutni prvi put pokazujući uzor Ahmadi muslimana, zato uvijek moraju biti pokazane najbolje vrline, tako da postanete nasljednici dova Obećanog Mesije a.s.

Huzur a.t. je rekao da svake godine podsjeća goste iz inostranstva da se ne zadržavaju predugo gostima u kućama svojih domaćina ili džematskom smještaju. Oni svoj boravak trebaju ograničiti na dvije do tri sedmice. Oni koji ne slijede ove upute izazivaju veliku neudobnost organizatorima Đelse. Oni koji dolaze iz inostranstva treba da zapamte da je smještaj koji je napravila organizacija privremen i oni članovi koji su ponudili svoje kuće također treba da se vrate svojim redovnim poslovima. Vladine agencije drže oko na privremenim boravištima koje je Džemat postavio i treba da slijedimo pravila i naredbe koje su oni proveli. Ako gosti treba da ostanu duže od određenog vremena, moraju

sami napraviti aranžmane negdje drugo, i u slučaju da odluče da borave kod svoje rodbine ili prijatelja, morate prvo dobiti njihovo odobrenje. Časni Poslanik s.a.v.s. je rekao da ne treba da se zadržavate predugo u gostima i ne treba da prisiljavate svoje domaćine da vas služe. Takav postupak je jednak pokradanju kuće. Vjernik je onaj ko ne zadaje teškoću svom domaćinu, nego postaje uzrok blagoslova za njega. Domaćin i gost trebaju formirati takav prijatan odnos jedan s drugim da čine dove jedan za drugog i upućuju blagoslove jedan na drugog, i uzgajaju atmosferu mira i sklada. Ako propustimo da iskoristimo ovu priliku da uberemo blagoslove, onda ćemo biti među onim nesretnim.

Časni Poslanik s.a.v.s. je unapređivao sklad i iskoristio bi svaku priliku da širi poruku dobrote i otvarao puteve usađivanja moralnih vrijednosti u svoje drugove, koji su postali svetionici svjetla za buduće generacije. U jednom hadisu je preneseno da je jedan ashab po imenu Abu Šeikh r.a. pripremio za hranu za pet ljudi uključujući Časnog Poslanika s.a.v.s., nakon što je opazio znakove gladi na njihovim licima. Kad je hrana bila pripremljena, on je pozvao ove ljude da jedu, ali se dotle još jedan ashab pridružio ovoj skupini. Na ovo je Časni Poslanik s.a.v.s. tražio odobrenje od domaćina i rekao mu da se grupi pridružio još jedan ashab poslije slanja pozivnice. Kad je domaćin dao odobrenje da sa sobom povedu još jednu osobu oni su svi skupa jeli. Ovo je visoki standard vrlina koje je on usadio u svoje ashabe, u tolikoj mjeri da su oni uvijek tražili priliku da ispune želje Časnog Poslanika s.a.v.s. Časni Poslanik s.a.v.s. je također rekao da ako posjećujete nekoga, uvijek ih prvo pozdravite i ako ne čujete odgovor, vratite se od te kuće bez lošeg mišljenja o ukućanima. Nema nikakve koristi u prigovorima ili naduvavanju svog ega.

Huzur a.t. je također rekao da je ovo obećavajuća prilika da unapređujemo ljubav i bratstvo jedni među drugima i da promoviramo islamsku tradiciju pozdravljanja jedan drugog sa islamskim pozdravom 'Eselamu aleikum.' Huzur a.t. je preporučivao svim učesnicima Đelse da jedan drugog pozdravljaju selamom, bilo da se znaju ili ne. Ovo će stvoriti atmosferu istinskog islamskog društva. Islamsko pozdravljanje je izvanredan način da se širi mir i ljubav. Huzur a.t. je rekao da bi bilo divno da oni koji ne govore jedan s drugim zbog nekog neslaganja završe ovaj spor i oprostite jedan drugom i postanu ponovo ujedinjeni u vezi bratstva.

Huzur a.t. je također iznio događaj iz života Obećanog Mesije a.s. nakon što je rekao da je svaki trenutak Poslanikovog života bio posvećen Allahu dž.š. i svako putovanje poduzeto radi Allaha. Jednom prilikom je Obećani Mesija a.s. bio u Amritsru, 1893. godine, zauzet u važnom dijalogu između kršćana i muslimana gdje je on predstavljao muslimane, i kako je sa jasnim dokazima uspio da dokaže superiornost islama. Jedan dan su, zbog ogromnog broja gostiju koji su bili prisutni, organizatori nekako zaboravili da posluže ručak Obećanom Mesiji a.s. Nakon dugog čekanja, Obećani Mesija a.s. je pitao za jelo i organizatori su, uviđajući svoju nepažnju, počeli paničiti. Na ovo ih je Obećani Mesija a.s. oslobodio tereta govoreći da nema razloga za paniku i da mora biti nešto preostalo u kuhinji i da će to biti dovoljno. Kad su oni otišli natrag do mjesta gdje se služila hrana, tamo su bili ostavljeni samo komadići hljeba, i Obećanom Mesiji a.s. su ovo donijeli za jelo, što je on pojeo bez ikakvog prigovora. Za sljedbenike Obećanog Mesije a.s. ovdje je poruka da moraju u praksi pokazati takvo strpljenje i podnošljivost čak kad stvari možda ne budu išle u prilog njihove udobnosti. Ako vidite oskudicu, nastojte da se sjetite svrhe svoje posjete ovdje poslije putovanja dugog stotine hiljada milja.

Na kraju, Huzur a.t. je podsjetio da je dužnost svakog učesnika Đelse da pazi oko sebe. Ako osjetite da postoji bilo kakva vrsta sumnjive aktivnosti, molim vas da skrenete pažnju volontera na dužnosti. Huzur a.t. je također podsjetio da je dužnost svih učesnika da održavaju čistoću. Uz to, svi učesnici treba da se zauzmu u dovama u toku dana Đelse. Da Allah dž.š. čuva svakog Ahmadi u Svojoj zaštiti, Amin.

Hudba 6. augusta 2010.

Predavanje zahvalnosti

Kratki sadržaj hudbe koju je 6. augusta 2010. održao Hazreti Mirza Masroor Ahmad Halifatul Masih V Ahmadija muslimanske zajednice

(Napomena: Naš tim 'Alislam' preuzima punu odgovornost za bilo kakve greške ili nerazumijevanje u kratkom sadržaju ove hudbe)

Huzur a.t. je u svojoj hudbi petkom danas održao izlaganje o zahvalnosti i rekao je da sva hvala pripada Allahu da se, Njegovom milošću prošle nedjelje uspješno završila Đelsa salana VB. Naše glave su sagnute Allahu u zahvalnosti, i zaista trebaju biti sagnute, jer se samo s Allahovom milošću sve završilo na tako fin način.

Na samom početku Časnog Kur'ana potvrđeno je da istinski vjernici sve započinju u ime Allaha. Tako da Njegova pomoć bude s njima cijelo vrijeme i da Ga spominju. Prvi ajet Časnog Kur'ana je: *'U ime Allaha...'* tako proglašavajući da ovu veličanstvenu Knjigu uče u ime Allaha.

Vjernicima je naređeno da sve počinju u ime Allaha. Božiji atributi koji su slijedeći spomenuti su Rahman (Milostivi, Darovaoc bez traženja) i Rahim (Samilosni). Huzur je objasnio da je Rahman Allah onaj koji je izuzetno ljubazan i dobrohotan (blagonaklonjen) i odlikom Njegovog atributa Rahmanijata On daje Svoju milostivost (dobrotu) i za ljude postavlja sve vrste aranžmana. Odlikom Svog Rahimijata, u dodatak Njegove opće dobrohotnosti (blagonaklonosti), Njegova milost je pokazana onima koji su robovi Milostivog Allaha. Kad vjernik moli za pomoć i očekuje Božiju potporu, Allah manifestuje Svoju potporu i pomoć. Huzur je rekao da su takve bile manifestacije koje smo doživjeli na Đelsa salani. One su bile pokazane iz Allahovog Rahmanijata kao i Rahimijata i one izazivaju zahvalnost, i ova zahvalnost nas čini robovima Allaha koji Najviše cijeni (Aš Šukur) i mi tako primamo Njegovu dobrohotnost (blagonaklonost) u svako vrijeme. Kao što Kur'an kaže:

'Ako budete zahvalni, Ja ću vam, sigurno, povećati;' (14:8)

Huzur je rekao da je Allah Svojim blagoslovima uklonio neke naše brige i završio Đelsu usred ogromnih blagoslova. S ciljem da nastavimo doživljavati ove manifestacije Allahovog Rahmanijata i Rahimijata treba da nastavimo tražiti Njegovu dobrohotnost. Obećani Mesija a.s. je rekao se ništa u duhovnom ili svjetskom kraljevstvu ne može završiti bez ove dvije milosti. On je rekao da ako se zamislimo shvatiti ćemo da su obje ove Allahove odlike neprestalno na djelovanju. Rahmanijat je bio na djelovanju dugo prije stvaranja čovjeka. To pomaže i omogućava sve aranžamne potrebne za čovjekovo postojanje koje čovjek ne može čak ni pomisliti da postigne kroz svoje napore. Slično, Rahimijat se manifestuje kad čovjek koristi svoje sposobnosti koje mu je Allah dao da nešto izvrši i izvede. Rahimijat ne dopušta da napori budu uzaludni i oni donose plodove.

Huzur je rekao da planiranje Đelse i težak rad koji radnici ulažu poziva pažnju vjernika na Allahove blagoslove i umjesto da uspjeh pripisuje svojim naporima, dobar završetak svih stvari ih čini zahvalnim Allahu. Takva zahvalnost znači biti istinski rob Aš Šekur.

Kur'an skreće pažnju na mnogim drugim mjestima da je znak istinskih vjernika da su zahvalni.

'... Doista je Allah blagodaran prema ljudima, ali većina njih nisu zahvalni.' (10:61)

Prema tome Allahova je milost da On pomaže i omogućava čovjekov duhovni i svjetski napredak. Kad vjernik doživljava ove blagoslove njegova se zahvalnost povećava. Najbolja zahvalnost je izražena obavljanjem propisanih namaza, da molimo Allaha i da svo dobro pripisujemo Njegovoj milosti. Takvo je shvatanje onih koji sve započinju u ime Allaha. Kad vjernik stiže ovu pronicljivost on nema drugog izbora nego da izražava zahvalnost hvaleći i veličajući Allaha. Sura Al Fatiha čini jasnim da kad je nešto započeto u ime Allahovog imena i kad doživimo Njegovu milost, to treba biti proglašeno pet puta dnevno na svakom dijelu namaza kao i u općoj molitvi da *Sva hvala pripada Allahu, Gospodaru svih svjetova* da On sve omogućava. Obećani Mesija a.s. je objasnio da je Allah, u Njegovu slavu, započeo Časni Kur'an s arapskom riječi *'Hamd'* (hvala) suprotno riječi *'Madha'* (hvaljenje, aplaudiranje) ili *'Šukur'* (zahvalnost) zato što riječ *'Madha'* obuhvata obje ove riječi.

Hvaljenje Allaha nije jednostavno zahvaljivanje, zapravo je to proglas da Allah Svojom milošću ne samo obezbjeđuje sve neophodne aranžmane za ljude nego također nagrađuje svaki napor koji čovjek učini, primanjem dova i davanjem milosti. Ova milost dolazi bez obzira na nedostatak u našem naporu i namazu, reformišući sve to i dajući najizvanredniji ishod. Zaista zahvalnost Allahu nije obična zahvalnost. On prekriva naše greške, dobrodušno (milostivo) nas popravlja i uvećava standarde naših napora, uvećava ih do takvog stepena na puko čovjekovo nastojanje nikada ne može postići rezultate koji budu postignuti. Kad mi hvalimo Allaha s ovim mišljenjem, On nas dalje blagoslovljava. Ovo je nešto o čemu uvijek treba da budemo svjesni.

Slijedeći hvale i zahvalnost Allahu, On također skreće našu pažnju da budemo zahvalni jedan drugom. Ova vrsta zahvalnosti je pravo neke osobe koja nam je učinila neku uslugu i vladanje robova Milostivog

Allaha je da to prakticiraju. Obećani Mesija a.s. je rekao da dužnosti prema Allahu ne mogu biti ispunjene bez ispunjavanja dužnosti prema ljudima, i Časni Poslanik s.a.v.s. je rekao da onaj ko nije zahvalan ljudima nije zahvalan ni Allahu. On bi bio izuzetno zahvalan svakome ko bi ga poslužio u bilo kakvom malom svojstvu. Zaista je zbog svoje zahvalnosti prema ljudima Medine, čak poslije pobjede nad Mekom on izabrao da živi u Medini. Istinski vjernici trebaju uvijek nastojati i slijediti uzvišeni uzor Poslanika s.a.v.s.

Huzur je rekao da se Allahovom milošću Đelsa završila uspješno. Dok smo mi zahvalni Allahu za ovo mi smo također zahvalni svima onima koji su dan i noć radili radi Đelse. Mnogi volonteri su započinjali svoj *Vakar e Aml* danima prije Đelse i još rade na čišćenju prostora. Dok šatore rasklapaju kompanije od kojih su iznajmljeni, opće rasporemanje cijele Đelse je ogroman zadatak. Ljudi koji provode ove zadatke zaslužuju da im bude pokazana zahvalnost. Gosti Đelse im trebaju biti krajnje zahvalni.

Huzur je rekao da su gosti izvan Zajednice izrazili posebnu zahvalnost onima koji su omogućavali hranu, smještaj i prijevoz. Bez izuzetka gosti su kao i prije hvalili pružene usluge i bili su krajnje impresionirani kako su ljudi koji pripadaju različitim gledištima u životu sretno obavljali obične dužnosti. Huzur je rekao da je drugi ugodan aspekt ove godine da oni koji su baš dobri u kritikovanju, koji nađu nešto da kritikuju, također napisali pohvalna pisma. Nije moguće postići savršenstvo u svakom zadatku. Huzur je rekao da ne prigovara ovim ljudima što nalaze greške nego je ovo spomenuo zato što neki ljudi kritikuju iz navike. U svakom slučaju kritikovanje vodi upravu (rukovodstvo) u ispravnom pravcu i korisno je za njih. Ove godine oni su napisali da su opazili toliko poboljšanje koliko je bilo moguće. Oni koji često prigovaraju da ljudi tumaraju unaokolo prostorom Đelse rekli su da su ove godine primijetili osjećaj ozbiljnosti prisutnih. Također su primijetili da posvećuju pažnju namazima, dovama i spominjanju Allaha. Radi ovoga su gosti Đelse također zaslužili zahvalnost kako su nastojali da ispune svrhu Đelsa salane. Da Allah učini da ova promjena koju su primijetili ostane trajna.

Huzur je rekao da Ahmadija Džemat širom svijeta s revnošću gledaju Đelsa salanu VB, Allahovom milošću preko MTA mnogi ljudi željno iščekuju Đelsu u VB i Njemačkoj. Inače u Pakistanu vlada veliki osjećaj

uskraćenja u pogledu Đelse. Preko MTA smo primili mnoga pisma zahvalnosti i ove godine su oni primili toliko pisama da je nemoguće odgovoriti na sve njih. Huzur je rekao da je uz to i on također primio mnoga pisma u kojima ljudi šalju selame MTA. MTA se održava i vodi uglavnom od volontera koji s odlučnošću rade za to dugo godina. Svi oni zaslužuju zahvalnost; Huzur je rekao da im se svima zahvaljuje u ime Džemata kao i u svoje ime. Huzur je također zahvalio mnogim volonterima koji rade za MTA izvan VB.

Huzur je spomenuo web stranicu Džemata 'www.alislam.org' i rekao da ona također igra značajan dio u pokazivanju Đelsa programa. Ona je također vođena od mnogih volontera koji posvećuju nekoliko sati ovoj web stranici. Njome se upravlja iz SAD-a. Dr. Nasim Rahmatullah sahib, koji je na dužnosti ove web stranice rekao je Huzuru da je ove godine web stranica bila posjećena (u vrijeme Đelse VB) do te mjere da je to uticalo na sistem i ljudi su poslali mnoge poruke prigovora o smetnjama na stranici. Huzur je rekao da web stranica nudi ograničene usluge ali ju je ove godine koristio veliki broj ljudi. Organizacija 'alislam.org' treba da razmisli o načinima da popravi standard tako da se maksimalan broj ljudi mogu poslužiti njome.

Huzur je rekao da je ove godine postojala zabrinutost o bezbjednosti koja je uklonjena pukom Allahovom milošću. To nije bila umišljena briga niti briga zasnovana na strahu poslije događaja u Pakistanu, nego je zapravo postojala stvarna zabrinutost i dogodio se jedan događaj i činjenice pokazuju da je postojala loša namjera onoga ko je već bio upleten. Međutim, obezbjeđenje je bilo budno i na vrijeme su reagovali i tako nas je Allah spasio od svakog zla. Svi volonteri odjeljenja bezbjednosti zaslužuju zahvalnost, neki od njih jedva da su imali ikakvog odmora. Huzur je rekao da su odjeljenja bezbjednosti i Hizmet i halk radila vrlo dobro ali su zbog nekog nerazumijevanja u jednom ili dva slučaja ljudi bili uzrujani. Huzur je izrazio izvinjenje ovim porodicama i rekao je da zbog pritiska pod kojim su ova odjeljenja radila Huzur je tražio od ovih porodica da oprostite radnicima koji su bili uključeni i da ne gaje nikakva loša osjećanja. Volonteri na obezbjeđenju su ostali izuzetno oprezni i budni i ispunili su svoje dužnosti izvan Huzurovih očekivanja. Huzur je rekao da osim od onih koji dodjeljuju dužnost na Đelsi, tu su Omladinci Khudam organizacije kojima je ta dužnost redovito bila data zadnjih 26 godina, pogotovu oko Fazl džamije, ljudi su sa

žarom posvetili svoje vrijeme da budu na dužnosti 24 sata, pogotovu oni koji pripadaju ogranku Fazl džamije. Huzur im je zahvalio i molio Allaha da ih nagradi.

Huzur je rekao da su ove godine bila zapanjujuća iskustva što se tiče bezbjednosti. Jedna žena vršioc dužnosti Leđna ženske organizacije je pisala Huzuru da je otišla na prostor bazara sa svojim kolegama. One su imale propusnice i tamo su otišle iz drugog dijela iste oblasti ali je na izlazu omladinac insistirao da provjeri njihove tašne. Kad su objasnile da su došle unutar iste oblasti i ostale su unutar nje. On je i dalje insistirao da im ne može dozvoliti da prođu bez provjere tašni. Kad su ga pitale ko mu je to naredio on je dao vrlo jednostavan odgovor i rekao: 'Huzur je naredio u svojoj hudbi da čak i ako ljudi na obezbjeđenju izađu napolje trebaju biti provjereni po povratku i ova naredba je za mene dovoljna.' Huzur je rekao da ga je ovo podsjetilo na jedan događaj u Kadianu u vrijeme kad su Ahrar (sekta) nastojali da stvore nered kad je Hazreti Halifatul Mesih II r.a. rekao u svojoj hudbi petkom da nikome ne treba biti dozvoljen ulazak u Bahišti Makbara bez posebne šifre. Jedne noći on je otišao tamo da provjeri i bio je zaustavljen. Dao je svoje ime ali je osoba rekla: 'Huzur, ja sam te prepoznao ali ti si mi naredio da nikome ne dozvolim ulazak bez šifre, zato ne možeš ući unutra.' Hazreti Halifatul Mesih II r.a. je ovo pohvalio. Huzur je rekao da su ne samo volonteri nego da je i Halifa vremena bio zaustavljen po naredbi Halife vremena.

Huzur je rekao da se ponekad naprave pogrešni proračuni kad se uvedu novi aranžmani. Ove godine su ulazi u ženski dio bili ograničeni i žene i djeca su morali podnijeti duge redove. Neki volonteri su napisali Huzuru da su žene i djeca bez prigovora stajali u redovima na vrućini do dva i po sata, tješeći uznemirenu djecu. Radnici su napisali Huzuru da su bili dirnuti do suza da ih gledaju da čekaju samo zato što su bili Ahmadi i došli su da prisustvuju Đelsi i bili su strpljivi zato što su došli s religijskim motivom. Tako, iako su vršioci dužnosti ovim bili dirnuti do suza oni su morali provoditi svoju dužnost jer je to bila njihova obaveza. Huzur je rekao da su aranžmani bili popravljani narednog dana i samo su u petak žene morale dugo čekati. Uprava se osobito izvinjava majkama male djece i također im se zahvaljuju. Ovaj događaj je također pokazao da Ahmadi žene imaju postojano strpljenje i odlučnost. Da su ove žene pokazale uznemirenost sve bi palo u metež. Ulaz je bio bez smetnji zbog saradnje gostiju. Ovdje je ponovo čovjek

naklonjen predmetu hvaljenja Allaha da je On stavio u srca da je za Džemat potrebno žrtvovanje. Huzur je rekao da su gosti izvana također zamijetili mirne redove.

Huzur je rekao da su aranžmani prijevoza bili dobri kao i prošle godine, Langer khana(kuhinja) je radila izuzetno dobro; sva odjeljenja zaslužuju zahvalnost. Poslije Đelse, policija je zamijetila izvanredno miran način na koji je sve bilo vođeno. Ljudi za zdravlje i bezbjednost su prošle godine dali neke zahtjeve. Ove godine ne samo da su nedostaci bili uklonjeni, nego su ljudi za zdravlje i bezbjednost rekli da će u svom općenitom izvještaju predstaviti naš uzoran rad.

Huzur je rekao da mi samo imamo u vidu Allaha, zaista trebamo samo Njega imati u vidu, mi jedino Njega hvalimo, Koji prekriva naše pogreške, daje nam izvanredne ishode i razara planove našeg neprijatelja. Mi smo zahvalni Allahu da je On osobito pomogao radnicima svih odjeljenja da ispune svoje dužnosti. Prisutni na Đelsi kao i oni koji su je gledali preko MTA vidjeli su da se Allahova milost prosipa na sve. Da Allah uvijek uvećava Svoju milost na nas i da ispunimo dobra očekivanja Obećanog Mesije a.s. koji je rekao da se napredak i promjena koji se mogu naći u njegovom Džematu ne mogu naći ni u kome drugom u cijelom svijetu. Mi treba da se krećemo naprijed u našem napretku i promjeni, i da postanemo oni koji istinski hvale Allaha tako da nastavimo biti primaoci Njegove dobrohotnosti.

Zatim je Huzur iznio tužnu vijest o smrti Musatafe Sabita koji je umro juče. On je bio rođen u Egiptu 1936. godine i bio je Musi. Preselio je u Kanadu 1971. godine. Novine Al Fazl su dale detalje o tome kako je on dao svoj zavjet *bai'ata*. Iza sebe je ostavio kćerku i sina. On je radio u naftnoj kompaniji i služio je kao nacionalni Tabligh sekretar u Kanadi. Imao je posebnu gorivost i entuzijazam za rad u Džematu i skupio je mnogo materijala za MTA. Bio je naprijed u finansijskim davanjima. Hazreti Halifatul Mesih IV r.a. je jedanput rekao da je on dao 70% svoje zarade. Velikodušno je dao doprinose za štampariju u centru. Napisao je mnoge knjige i preveo je nekoliko. Preveo je prvi tom komentara na Kur'an kao i 'Uvod u proučavanje Kur'ana'. Davao je vrlo dobre govore na Đelsi. Huzur je rekao da je prvi put sreo Sabit sahiba u 1983. godini u Gani. U to vrijeme su neahmadi mislili da Arapi nisu primili Ahmadijat, i zato ga je Halifatul Mesih IV r.a. poslao u Ganu gdje je imao priliku da propagira poruku Ahmadijata. Kasnije je došao u VB i radio na izdavanju


(objavljivanje publikacija) i Tasnif. On je doživio iskušenje ali je prošao kroz to sa iskrenošću i odanošću i Allah ga je nagradio za ovo. Bio je bolestan zadnjih nekoliko mjeseci i pisao je Huzuru da je želio da preostalo vrijeme potroši blizu Huzura, tako da mu je boravio u jednoj od kuća za goste. Kad je čuo da je Huzur htio da ga posjeti on je brzo odžurio Huzuru. Bolest se pogoršala i prije nekoliko dana bio je smješten u bolnicu. Igrao je centralnu ulogu u Arapskom programu (na MTA) i istinski ispunio dužnost kao sluga Obećanog Mesije a.s. Svoju bolest (bolovao je od raka) podnio je sa velikim strpljenjem i nastavio je služiti do vremena dok nije bio jako bolestan. Da Allah uzdigne njegov položaj u Džennetu. Amin Huzur je rekao da će se njegova dženaza klanjati u ponedjeljak nakon što stignu njegov sin i kći.

FRIDAY SERMONS

from 16th July untill 6th August 2010

BOSNIAN LANGUAGE

Ahmadiyya Muslim Jama'at
za Bosnu i Hercegovinu



AHMEDIJA CENTAR:

Tuzlanska 1 b, 71000 Sarajevo, BOSNA I HERCEGOVINA
Telefon/fax: 00387 / 33 612 612
www.ahmadija.ba

Ljubav svakome, mržnja nikome!